

摘藻堂四庫全書薈要

集部

欽定四庫全書會要

集部

御定全唐詩卷五百

十八至
二十

欽定四庫全書薈要卷一萬七千九百二十三集部

御定全唐詩卷五百十八

雍陶


雍陶字國鈞成都人太和間第進士大中八年自國子
博士出刺簡州詩一卷

明月照高樓

朗月何高高樓中簾影寒一婦獨含歎四坐誰成歡時
節屢已移遊子杳不還滄溟儻未涸妾淚終不乾君若

無定雲妾若不動山雲行出山易山逐雲去難願為邊
塞塵因風委君顏君顏良洗多盪妾濁水間

酬秘書王丞見寄

朝下有閒思南溝邊水行因來見寥落轉自嘆平生白
首丈夫氣赤心知己情留詩本相慰却憶苦吟聲

贈金河戍客

慣獵金河路曾逢雪不迷射鷗青塚北走馬黑山西戍
遠旌幡少年深帳幕低酬恩須盡敵休說夢中閨

孤桐

踈桐餘一幹風雨日蕭條
歲晚琴材老天寒桂葉凋已
悲根半死復恐尾全焦
幸在龍門下知音肯寂寥

秋露

白露暖秋色月明清漏中
痕沾珠箔重點落玉盤空竹
動時驚鳥莎寒暗滴蟲滿園
生永夜漸欲與霜同

送徐使君赴岳州

渺渺楚江上風旗搖去舟
馬歸雲夢晚猿叫洞庭秋
客

思滿南渡鄉心生北樓巴陵山水郡應一作偏稱謝公遊

送裴璋還蜀因亦懷歸

客在劔門外新年音信稀自為千里別已送幾人歸陌

上月一作日初落馬前花正飛離言殊未盡春雨滿一作濕

行衣

送前鄆縣李少府

近出圭峯下還期又不賒身閑多宿寺官滿未移家罷

釣臨秋水開尊對月華一作向自當蓬一作臺閣選豈得

臥煙霞

送宜春裴明府之任

南行春已滿路半水茫然楚望花當渡湘陰橘滿川山
橫湖色上帆出鳥行前此任無辭遠親人貴用還

一作遷

贈宗靜上人

世上方傳教

一作法

山中未得歸閒花飄講席馴鴿汙禪

衣積雨誰過寺殘鐘自掩扉寒來垂頂帽白髮剃應稀

同賈島宿無可上人院

何處銷愁宿攜囊就遠僧中宵吟有雪空屋語無燈靜
境惟聞鐸寒牀但枕肱還因愛閒客始得見南能

和劉補闕秋園寓興六首

水木夕陰冷池塘秋意多庭風吹故葉階露淨寒莎愁
燕窺燈語情人見月過砧聲聽已別蟲響復相和

閉門無事後此地即山中但覺鳥聲異不知人境同晚
花開為雨殘果落因風獨坐還吟酌詩成酒已空

自得家林趣常時在外稀對僧餐野食迎客著山衣雀

鬪翻簷散蟬驚出樹飛
功成他日後何必五湖歸
秋色庭蕪上清朝見露華
疎篁抽晚筍幽藥吐寒芽
引水新渠淨登臺小徑斜
人來多愛此蕭爽似仙家

禁掖朝回後林園勝賞時
野人來辨藥庭鶴往看棊
晚日明丹棗朝霜潤紫梨
還因重風景猶自有秋詩

聖代少封事閒居方屏喧
漏寒雲外闕木落月中園
山鳥宿簷樹水螢流洞門
無人見清景林下自開尊

岳陽晚景

漢陽無遠寺見說過汾城雲雨經春客江山幾日程終
隨鷗鳥去祇在海潮生前路逢漁父多愁問姓名

塞上宿野寺

塞上蕃僧老天寒疾上關遠煙平似水高樹暗如山去
馬朝常急行人夜始閑更深聽刁斗時到磬聲間

寒食夜池上對月懷友

人間多別離處處是相思海內無煙夜天涯有月時跳
魚翻行葉驚鵲出花枝親友皆千里三更獨遶池

自述

一作
下第

萬事誰能問一名猶未知
貧當多累日閒過少年時
燈下和愁睡花前帶酒悲
無謀常委命轉覺命堪疑

送契玄上人南遊

紅葉落湘川楓明映水天
尋鐘過楚寺擁錫上瀧船
病客思留藥迷人待說禪
南中多古跡應訪虎溪泉

少年行

一作漢宮
少年行

不倚軍功有俠名可憐毬獵少年情
戴鈴健鶻隨聲下

撼珮驕驄弄影行
覓匠重裝燕客劍
對人新按越姬箏
豈知儒者心偏苦
吟向秋風白髮生

詠雙白鷺

一作崔少府池鷺

雙鷺應憐水滿池
風飄不動頂絲垂
立當青草人先見
行傍白蓮魚未知
一足獨拳寒雨裏
數聲相叫早秋時
林塘得爾須增價
况與一作是詩家一作人物色宜

晴詩

一作塞路初晴

晚虹斜日塞天昏
一半山川帶雨痕
新水亂侵青草路

殘煙猶傍綠楊村
胡人羊馬休南牧
漢將旌旗在北門
行子喜聞無戰伐
閒看遊騎獵秋原

送徐山人歸睦州舊隱

君在桐廬何處住
草堂應與戴家鄰
初歸山犬翻驚主
久別江鷗却避人
終日欲為相逐計
臨歧一作時空一作又
羨獨行身
秋風釣艇遙相憶
七里灘西片月新

到蜀後記途中經歷

劍峯重疊雪雲漫
憶昨來時處處難
大散嶺頭春足雨

裊斜谷裏夏猶寒蜀門去國三千里巴路登山八十盤
自到成都燒酒熟不思身更入長安

憶山寄僧

塵路誰知蹋雪蹤到來空認出雲峯天晴遠見月中樹
風便細聽煙際鐘閱一作慢世數思僧並院憶山長羨鶴

歸松新愁舊恨多難說半在眉間半在胸

贈王芝觀王尊師

處處煙霞尋總遍却來城市喜逢師時流見說無人在

年紀唯應有鶴知
大藥已成寧畏晚
小松初種不嫌遲
長憂一日歸天去
未授靈方遣問誰

哭饒州胡諫議使君

忽聞身謝滿朝驚
俄感鄱陽罷市情
遺愛永存今似古
高名不朽死如生
神仙難見青驪事
諫議空留白馬名
授門一作館曾為門下一作客
幾迴垂淚過宣平舊宅在宣平里

經杜甫舊宅

浣花溪裏花多處
為憶先生在蜀時
萬古只應留舊宅

千金無復換新詩
沙崩水檻鷗飛盡
樹壓村橋馬過遲
山月不知人事變
夜來江上與誰期

河陰新城

高城新築壓長川
虎踞龍盤氣色全
五里似雲根不動
一重如月暈長圓
河流暗與溝池合
山色遥將睥睨連
自有此來當汴口
武牢何用鎖風煙

秋居病中

幽居悄悄何人到
落日清涼滿樹梢
新句有時愁裏得

古方無效病來拋，荒簷數蝶懸蛛網。
空屋孤螢入燕巢，獨臥南窗秋色晚。
一庭紅葉掩蘅茅。

罷還邊將

白鬚虜將話邊事，自失公權怨語多。
漢主豈勞思李牧，趙王猶是一作用廉頗。
新鷹飽肉唯閑獵，舊劍生衣嬾更磨。
百戰無功身老去，羨他年少渡黃河。

永樂殷堯藩明府縣池嘉蓮詠

青蘋白石匝蓮塘，水裏蓮開帶瑞光。
露濕紅芳雙朶重。

風飄綠蒂一枝長同心
梳子徒誇豔合穗嘉禾豈解香
不獨豐祥先有應更宜花縣對潘郎

誄李紺歲除送酒

歲盡貧生一作心事事須就中
深恨酒錢無故人充壽能

分送遠客消愁免自沽
一夜四乘傾鑿落五更三點把
屠蘇已供時節深珍重況許今朝更挈壺

蜀路倦行因有所感

亂峯碎石金牛路
過客應騎鐵馬行
白日欲斜催後乘

青雲何處問前程
飛蠅一一皆先去
度鳥雙雙亦遠鳴
蹇步不唯傷旅思
此中兼見宦途情

寄永樂殷堯藩明府

古縣蕭條秋景晚
昔年陶令亦如君
頭巾漉酒臨黃菊
手板支頤向白雲
百里豈能容驥足
九霄終自別雞羣
相思不恨書來少
佳句多從闕下聞

蜀中戰後感事

蜀道

一作國

英靈地山重水又回
文章四子盛道路五丁

開詞客題橋去忠臣叱馭來臥龍同駭浪躍馬比浮埃
已謂無妖土那知有禍胎蕃兵依漢柳蠻旆指江梅戰
後悲逢血燒餘恨見灰空留犀馱怪無復酒除災歲積
萇弘怨春深杜宇哀家貧移未得愁上望鄉臺

答蜀中經蠻後友人馬艾見寄

苗一作酋馬渡瀘水北來如鳥輕幾年朝鳳闕一日破龜

城此地有征戰誰家無死生人悲還舊里鳥喜下空營
弟姪意初定交朋心尚驚自從經難後吟苦似援聲

盧岳閒居十韻

擾擾走人寰，爭如占得閒。
防愁心付酒，求靜力登山。
見藥芳時採，逢花好處攀。
望雲開病眼，臨澗洗愁顏。
春色流巖下，秋聲碎竹間。
錦文苔點點，錢樣菊斑斑。
路遠朝無客，門深夜不關。
鶴飛高縹緲，鶯語巧綿蠻。
養拙甘沈默，忘懷絕險艱。
更憐雲外路，空去又空還。

送于中丞使北蕃

朔將引雙旌，山遥磧雪平。
經年通國信，計日得蕃情。
野

次依泉宿沙中望火行遠鷗秋有力寒馬夜無聲看獵

臨胡帳思鄉見漢城

回鶻中有漢城

來春擁邊騎新草滿歸程

和河南白尹西池北新葺水齋招賞十二韻

二室峯前水三川府右亭亂流深竹逕分遶小花汀池
角通泉脈堂心豁地形坐中寒瑟瑟牀下細泠泠雨夜
思巫峽秋朝想洞庭千年孤鏡碧一片遠天青魚戲搖
紅尾鷗閒退白翎荷傾瀉珠露沙亂動金星藤架如紗
帳苔牆似錦屏龍門人少到仙棹自多停游憶高僧伴

吟招野客聽餘波不能惜便欲養浮萍

感興

貧女貌非醜要須緣嫁遲還似求名客無媒不及時

長安客感

日過千萬家一家非所依不及行塵影猶隨馬蹄歸

春懷舊游

吟想舊經過花時奈遠何別來長似見春夢入關多

離京城宿商山作

山月吟聲苦春風引思長無由及塵土猶帶杏花香

秋館雨夜

夜雨空館靜幽人起衰回長安醉眠客豈知新鴈來

聞子規

百鳥有啼時子規聲不歇春寒四鄰靜獨叫三更月
懷無可上人

山寺秋時後僧家夏滿時清涼多古跡幾處有新詩

長安客感

客淚如危葉長懸零落心况是悲秋日臨風制不禁
送客遙望

別遠心更苦遙將目送君光華不可見孤鶴沒秋雲

傷靡草

靡草似客心年年亦先死無由伴花落暫得因風起

放鶴

從今一去不須低見說遼東好去棲努力莫辭仙路遠
白雲飛處免羣雞

早秋月夜

身閒伴月夜深行
風觸衣裳四體輕
為見近來天氣好
幾篇詩興入秋成

蟬

一作
聞蟬

高

一作

樹蟬聲入晚雲不唯

一作
幾回

愁我亦愁君何時

一作

年各得身

一作
心

無事每到聞時似不聞

公子行

公子風流嫌

一作
輕

錦繡新裁白紵作春衣
金鞭留當誰

家酒拂柳穿花信馬歸

題情盡橋

陶典陽安送客至情盡橋問其故左右曰送迎之地止此陶命筆題其柱

曰折柳橋
為詩云云

從來只有情難盡何事名為情盡橋自此改名為折柳
任他離恨一條條

峽中行

兩崖開盡水回環一葉纔通石罅間楚客莫言山勢險
世人心更險於山

韋處士郊居

滿庭詩境

一作景

飄紅葉繞砌琴聲滴暗泉門外晚晴秋

色老萬條寒玉一溪煙

秋懷

古槐煙薄晚雅愁獨向黃昏立御溝南國望中生遠思
一行新鴈去汀洲

再下第將歸荆楚上白舍人

窮通應計一時間今日甘從別足還長倚玉人心自醉

不辭歸去哭荆山

春行武關作

風香春暖展歸程
全勝遊仙入洞情
一路綠溪花覆水
不妨閒看不妨行

恨別二首

知君餞酒深深意
圖使行人涕不流
如今卻恨酒中別
不得一言千里愁

人言日遠還疎索
別後都非未別心
唯我憶君千里意

一年不見一重深

送人歸吳

遠愛春波正滿湖
羨君東去是歸途
吟詩好向月中宿
一叫水天沙鶴孤

喜夢歸

旅館歲闌頗有夢
分明最似此宵希
覺來莫道還無益
未得歸時且當

一作歸
夢

路中間程知欲達
青雲驛

行愁驛路問來人西去經過願一聞落日回鞭相指點
前程從此是青雲

題君山

一作洞庭詩

風

一作煙

波不動影沈沈翠色全微碧

一作碧色全無翠

色深應

一作疑是水仙梳洗處一螺青黛鏡中心

離家後作

世上無媒似我希一身唯有影相隨出門便作焚舟計
生不成名死不歸

寄題峴亭

峴亭留恨為傷杯未得醒醒看便回卻想醉游如夢見
直疑元本不曾來

病鶴

憶得當時一作年病未遭身為仙馭雪為毛今來沙上飛
無力羞見檣烏立處高

狀春

含春笑日花心豔帶雨牽風柳態妖珍重兩般堪比處

醉時紅臉舞時腰

春詠

風惱花枝不耐頻等閑飛落易愁人
殷勤最是章臺柳
一樹千條管帶春

非酒

人人慢說酒消憂我道翻為引恨由
一夜醒來燈火暗
不應愁事亦成愁

苦寒

今年無異去年寒何事朝來獨忍難應是漸為貧客久
錦衣著盡布衣單

送客

若論秋思人人苦最覺愁多客又深何況病來惆悵盡
不知爭作送君心

人問應舉

莫驚西上獨遲迴只為衙門未有媒惆悵賦成身不去
一名閒事逐秋回

送客不及

水闊江天兩不分行人兩處更相聞
遙遙已失風帆影
半日虛銷指點雲

聞杜鵑二首

碧竿微露月玲瓏
謝豹傷心獨叫風
高處已應聞滴血
山榴一夜幾枝紅

蜀客春城聞蜀鳥
思歸聲引未歸心
卻知一作欲將夜夜愁
相似爾正啼時我正吟

西歸出斜谷

行過險棧出褒斜出盡平川似到家萬里

無限一作

客愁今

日散馬前初見米囊花

宿嘉陵驛

一作嘉陵館樓

離思茫茫正值秋每因風景卻生愁
今宵難作刀州夢
月色江聲共一樓

旅懷

舊里已悲無產業故山猶戀有煙霞
自從為客歸時少

旅館僧房卻是家

貧居春怨

貧居盡日冷風煙
獨向簷牀看雨眠
寂寞春風花落盡
滿庭榆莢似秋天

憶江南舊居

閒思往事在湖亭
亭上秋燈照月明
宿客盡眠眠不得
半牕殘月帶潮聲

夷陵城

世家曾覽楚英雄國破城荒萬事空
唯有郵亭階下柳
春來猶似細腰宮

訪友人幽居二首

落花門外春將盡
飛絮庭前日欲高
深院客來人未起
黃鸝枝上啄櫻桃

莎深苔滑地無塵
竹冷花遲剩駐春
盡日弄琴誰共聽
與君兼鶴是三人

宿大徹禪師故院

竹房誰繼生前事
松月空懸過去心
秋磬數聲天欲曉
影堂斜掩一燈深

送蜀客

劔南風景臘前春
山鳥江風得雨新
莫怪送君行較遠
自緣身是憶歸人

題寶應縣

雪樓當日動晴寒
渭水梁山鳥外看
聞說德宗曾到此
吟詩不敢倚闌干

和孫明府懷舊山

五柳先生本在山偶然為客落人間
秋來見月多歸思自起開籠放白鷗

城西訪友人別墅

澧水橋西小路斜日高猶未到君家
村園門巷多相似處處春風枳殼花

題大安池亭

幽島曲池相隱映小橋虛閣半高低
好風好月無人宿

夜夜水禽船上棲

送春

勿言春盡春還至少壯看花復幾回今日已從愁裏去
明年更莫共愁來

武侯廟古柏

密葉四時同一色高枝千歲對孤峯此中疑有精靈在
為見盤根似臥龍

哀蜀人為南蠻俘虜五章

初出成都聞哭聲

但見城池還漢將
豈知佳麗屬蠻兵
錦江南渡遙聞哭
盡是離家別國聲

過大渡河蠻使許之泣望鄉國

大渡河邊蠻亦愁
漢人將渡盡回頭
此中剩寄思鄉淚
南去應無水北流

出青溪關有遲留之意

欲出鄉關行步遲
此生無復卻回時
千冤萬恨何人見

唯有空山鳥獸知

別舊州一時慟哭雲日為之變色

越舊城南無漢地傷心從此便為蠻寇聲一慟悲風起
雲暗青天日下山

入蠻界不許有悲泣之聲

雲南路出陷河西毒草長青瘴色低漸近蠻城誰敢哭
一時収淚羨猿啼

宿石門山居

牕燈欲滅夜愁生
螢火飛來促織鳴
宿客幾回眠又起
一溪秋水枕邊聲

過舊宅看花

山桃野杏兩三栽
樹樹繁花去復開
今日主人相引看
誰知曾是客移來

寄襄陽章孝標

青油幕下白雲邊
日日空山夜夜泉
聞說小齋多野意
枳花陰裏麝香眠

洛中感事

洛城今古是繁華
最恨喬家似石家
行到窈娘身沒處
水邊愁見亞枝花

陰地關見入蕃公主石上手跡

漢家公主昔和蕃
石上今餘手跡存
風雨幾年侵不滅
分明纖指印苔痕

美人春風怨

澹蕩春風滿眼來
落花飛蝶共裴回
偏能飄散同心帶

無那愁着吹不開

過南鄰花園

莫怪頻過有酒家多情長是惜年華
春風堪賞還堪恨纔見開花又落花

勸行樂

老去風光不屬身黃金莫惜買青春
白頭縱作花園主醉折花枝是別人

渡桑乾河

南客豈曾諳塞北年年唯見鴈飛回今朝忽渡桑乾水
不似身來似夢來

月下喜呂郎中除兵部

北闕雲間見碧天南宮月似舊時圓喜看列宿今朝正
休嘆參差十四年

天津橋望春

津橋春水浸紅霞煙柳風絲拂岸斜翠輦不來金殿閉
宮鶯銜出上陽花

自蔚州南入真谷有似劔門因有歸思

我家蜀地身離久忽見胡山似劔門
馬上欲垂千里淚
耳邊唯欠一聲猿

再經天涯地角山

每憶雲山養短才
悔緣名利入塵埃
十年馬足行多少
兩度天涯地角來

題等界寺二首

吳蜀千年等界村
英雄無主豈長存
思量往事今何在

萬里山中一寺門

兩國道塗都萬里來從此地等平分
行人競說東西利
事不關心耳不聞

洛源驛戲題

柳陰春嶺鳥新啼
暖色濃烟深處迷
如恨往來人不見
水聲啾咽出花溪

遣愁

拋擲泥中一聽沈
不能三嘆引愁深
莫言客子無愁易

須識愁多暗損心

送友人棄官歸山居

不愛人間紫與緋，卻思松下著山衣。
春郊雨盡多新草，一路青青蹋雨歸。

山行

野一作異花幽鳥幾千般，頭白山僧遍識難。
世上遊人無

復見一生唯向畫圖看

送客二首

與君同在少年場，知己蕭條壯士傷。
可惜報恩無處所，卻提孤劍過咸陽。

行人立馬強盤回，別字猶含未忍開。
好去出門休落淚，不如前路早歸來。

安國寺贈廣宣上人

馬急人忙塵路喧，幾從朝出到黃昏。
今來合掌聽師語，一似敲冰清耳根。

初醒

金夕日人...
老...
心中得勝暫拋愁醉臥涼風拂簾秋半夜覺來新酒醒
一條斜月到牀頭

送客歸襄陽舊居

襄陽耆舊別來稀此去何人共掩扉唯有白銅鞮上月
水樓閒處待君歸

夜聞方響

方響聞時夜已深聲聲敲著客愁心不知正在誰家樂
月下猶疑是遠砧

路逢有似亡友者惻然賦此

吾友今生不可逢
風流空想舊儀容
朝來馬上頻回首
惆悵他人似蔡邕

望月懷江上舊遊

往歲曾隨江客船
秋風明月洞庭邊
為看今夜天如水

憶得當時一作水似天

途中西望

行行何處散離愁
長路無因暫上樓
唯到高原即西望

馬知人意亦回頭

題友人所居

即故元少尹宅

亞尹故居經幾主，只因君住有詩情。
夜吟鄰叟聞惆悵，七八年來無此聲。

蔚州晏內遇新雪

胡盧河畔逢秋雪，疑是風飄白鶴毛。
坐客停杯看未定，將軍已濕褐花袍。

句

古木閩州道驅羸落照間投村礙野水問店隔荒山

見泉

州志

御定全唐詩卷五百十八

欽定四庫全書蒼要卷一萬七千九百二十四

集部

御定全唐詩卷五百十九

李遠

李遠字求

一作承

古蜀人第太和進士歷忠建江三州刺

史終御史中丞集一卷

立春日

暖日傍簾曉濃春開篋紅釵斜穿綵燕羅薄翦春蟲巧
著金刀力寒侵玉指風娉婷何處戴山鬢綠成聚

翦綵

翦綵贈相親，銀釵綴鳳真。
雙雙銜綬鳥，兩兩度橋人。
葉逐金刀出，花隨玉指新。
願君千萬歲，無歲不逢春。

題僧院

不用問湯休，何人免白頭。
百年如過鳥，萬事盡浮漚。
別緒長牽夢，情由一作亂種愁。
却嫌風景麗，窗外碧雲秋。

觀廉女真葬

女真善隸書常為內中學士

玉窗拋翠管，輕袖掩銀鸞。
錯落雲車斷，丁冷金磬寒。
鶴

尋深院宿人借舊書看寂寞焚香處紅花滿石壇

閒居

塵事久相棄沈浮皆不知牛羊歸古巷燕雀遶疏籬買藥經年曬留僧盡日茶唯憂釣魚伴秋水隔波時

及第後送家兄遊蜀

人誰無遠別此別意多違正鵠雖言中冥鴻不共飛玉京煙雨斷巴國夢魂歸若過嚴家瀨慙慙看釣磯

送人入蜀

蜀客本多愁君今是勝遊碧藏雲外樹紅露

一作壓

驛邊

樓杜魄呼名語巴江作

一作學

字流不知煙雨夜何處夢

刀州

遊故王駙馬池亭

花樹香玲瓏漁舟處處通醉銷羅綺豔香暖芰荷風野
鳥翻萍綠斜橋印水紅子猷簫管絕誰愛碧鮮濃

悲銅雀臺

一本無
悲字

西陵樹已盡銅雀思偏多雪密疑樓閣花開想綺羅影

銷堂上舞聲斷帳前歌唯有漳河水年年舊綠波

陪新及第赴同年會

曾攀芳桂英處處共君行今日杏園宴當時天樂聲柳
濃堪繫馬花上未藏鶯滿座皆仙侶同年別有情

詠鴈

早晚辭沙漠南來處處飛關山多雨雪風水損毛衣碧
海魂應斷紅樓信自稀不知矰繳外留得幾行歸

與碧溪上人別

欲入鳳城遊西溪別惠休色隨花旋落年共水爭流客
思偏來夜蟬聲覺送秋明朝逢舊侶唯擬上歌樓

贈殷山人

有客抱琴宿值予多怨懷啼烏弦易斷嘯鶴調難諧曲
罷月移幌韻清風滿齋誰能將此妙一為奏金階

詠辟魚

鱗細粉光鮮開書亂眼前透窗疑漏網落硯似流泉潛
穴河圖內吞鈎乙字邊莫言鬚鬣小食盡白蘋篇

聽話叢臺

有客新從趙地回，自言曾上古叢臺。
雲遮襄國天邊去。

一作盡樹繞漳河地裏來。
一作掌上弦管變成山鳥哢，
綺羅留

作野花開金輿玉輦無行跡。
一作消息風雨唯知年一作誰年一作

長綠苔

失鶴

秋風吹却一作起九臯禽，
一片閒雲萬里心。
碧落有情應

一作空悵望青天一作瑶臺無路可追尋。
來時一作初來白雪翎猶

短去日

一作欲去

丹砂頂漸深華表柱頭留語後更無

一作不知

消息到如今

贈寫御容

一作真

李長史

玉

一作寶

座塵消硯水清龍髯不動綵毫輕初分隆準山

河秀乍點重瞳日月明宮女捲簾皆暗認侍臣開殿盡
遙驚三朝供奉無人敵始覺僧繇浪得名

贈潼關不下山僧

與君同在苦空間君得空門我愛閒禁足已教修鴈塔

終身不擬下雞山窗中遙指三千界枕上斜看百二關
香茗一甌從此別轉蓬流水幾時還

過舊遊見雙鶴愴然有懷

謝公何歲掩松楸雙鶴依然傍玉樓朱頂巒岼荒草上
雪毛零落小池頭蓬瀛路斷君何在雲水情深我尚留
他日若來華表上更添多少令威愁

贈友人

鳳城煙靄思偏多曾向劉郎住處過銀燭焰前貪勸酒

玉簫聲裏已聞歌佳人惜別看嘶馬公子含一作情向
翠蛾今日重來門巷改出牆桐樹綠婆娑

贈南嶽僧

曾住衡陽嶽寺邊門開江水與雲連數州城郭藏寒樹
一片風帆著遠天猿嘯不離行道處客來皆到卧牀前
今朝惆悵紅塵裏惟憶閒陪一作盡日眠

贈弘文杜校書

高倚霞梯萬丈餘共看移步入宸居曉隨鷓鴣排金鎖

靜對鉛黃校玉書
漠漠禁煙籠遠樹
泠泠宮漏響前除
還聞漢帝親詞賦
好為從容奏子虛

聽王氏話歸州昭君廟

獻之間坐說歸州
曾到昭君廟裏遊
自古行人多怨恨
至今鄉土盡風流
泉如珠淚侵堦滴
花似紅妝滿岼愁
河畔猶殘翠眉樣
有時新月傍簾鉤

過馬嵬山

一作李益詩

金甲雲旗盡日迴
倉皇羅袖滿塵埃
濃香猶自飄鑿輅

恨魄無因到馬嵬南內宮人悲帳殿東漢方士問蓬萊
唯餘波上彎環月時送殘蛾入帝臺

吳越懷古

吳越千年柰怨何兩宮清吹作樵歌姑蘇一敗雲無色
范蠡長遊水自波霞拂故城疑轉旆月依荒樹想噸蛾
行人欲問西施館江鳥寒飛碧草多

長安即事寄友人

綺陌千年思斷蓬今來還宿鳳城東瑤臺鐘鼓長依舊

巫峽煙花自不同，千結故心為怨網。
萬條新景作愁籠，何時更伴劉郎去。
却見天桃滿樹紅。

聞明

一本有道字

上人逝寄友人

蕭寺曾過最上方，碧桐

一作梧

濃葉覆西廊，遊人縹緲紅。

衣亂，座客從容，白日長別後旋

一作遂

成莊叟

一作鳥

夢書

來忽報，惠休亡他時，若更相隨去，祇是含酸對影堂。

贈咸陽李少府

美貌雄才已少齊，寶書仙簡兩看題。
金刀片片裁新錦。

玉步重重上舊梯，鵬到碧天排霧去。
鳳遊瓊樹揀枝棲，蓬瀛宴罷試回首。
一望塵中路正迷。

隣人自金仙觀移竹

移居新竹已堪看，斲破莓苔得幾竿。
圓節不教傷粉籜

一作玉粉

低枝猶擬拂霜壇，牆頭枝動如煙綠。

一作葉

上風

來送夜寒第一，莫教漁父見。
且從蕭颯滿朱欄。

慈恩寺避暑

香荷疑散麝風鐸，似調琴不覺清涼。
晚歸人滿柳陰。

讀田光傳

秦滅燕丹怨正深
古來豪客盡沾襟
荆卿不了真閒事
辜負田光一片心

友人下第因以贈之

劉毅雖然不擲盧
誰人不道解樗蒲
黃金百萬終須得
只有授莎更一呼

詠鴛鴦

鴛鴦離別傷人意
似鴛鴦試取鴛鴦看
多應斷寸腸

贈箏妓伍卿

輕輕沒後更無箏玉腕紅紗到伍卿
座客滿筵都不語
一行哀鴈十三聲

黃陵廟詞

一作李羣玉詩

黃陵廟前莎草春黃陵女兒舊裙新
輕舟小楫唱歌去
水遠山長愁殺人

句

人事三杯酒流年一局棋

北夢瑣言

青山不厭三杯酒長

日惟消一局棋
林唐語

御定全唐詩卷五百十九

欽定四庫全書蒼要卷一萬七千九百二十五

集部

御定全唐詩卷五百二十

杜牧

杜牧字牧之京兆萬年人太和二年擢進士第復舉賢良方正沈傳師表為江西團練府巡官又為牛僧孺淮南節度府掌書記擢監察御史移疾分司東都以弟顓病棄官復為宣州團練判官拜殿中侍御史內供奉累遷左補闕史館修撰改膳部員外郎歷黃池睦三州刺

史入為司勳員外郎常兼史職改吏部復乞為湖州刺史踰年拜考功郎中知制誥遷中書舍人卒牧剛直有奇節不為齷齪小謹敢論列大事指陳病利尤切其詩情致豪邁人號為小杜以別甫云樊川詩四卷外集詩一卷別集詩一卷今編為八卷

感懷詩一首

時滄州用兵

高文會隋季提劍狗天意扶持萬代人步驟三皇地聖云繼之神神仍用文治德澤酌生靈沉酣薰骨髓旄頭

騎箕尾風塵薊門起胡兵殺漢兵屍滿咸陽市宣皇

肅宗

也走豪傑談笑開中否蟠聯兩河間燼萌終不弭號為

精兵處齊蔡燕趙魏合環千里疆爭為一家事逆子嫁

虜孫西隣聘東里急熱同手足唱和如宮徵法制自作

為禮文爭僭擬壓階螭鬪角畫屋龍交尾署紙日替名

分財賞稱賜剗隍

呼怙切

萬尋繚垣疊千雉誓將付辱

孫血絕然方已九廟仗神靈四海為輸委如何七十年

汗艷含羞恥韓彭不再生英衛皆為鬼凶門爪牙輩穰

穰如兒戲累聖但日吁閭外將誰寄屯田數十萬隄防
常惴惴急征赴軍須厚賦資凶器因隳畫一法且逐隨
時利流品極蒙危網羅漸離弛夷狄日開張黎元愈憔悴
邈矣遠太平蕭然盡煩費至于貞元末風流恣綺靡
艱極泰循來元和聖天子元和聖天子英明湯武上茅
茨覆宮殿封章綻帷帳伍旅拔雄兒夢卜庸真相勃雲
走轟霆河南一平盪繼于長慶初燕趙終舁襁攜妻負
子來北闕爭頓顙故老撫兒孫爾生今有望茹鯁喉尚

隘負重力未壯坐幄無竒兵吞舟漏踈網骨添薊垣沙
血漲滹沱浪祇云徒有征安能問無狀一日五諸侯奔
亡如鳥往取之難梯天失之易反掌蒼然太行路翦翦
還榛莽關西賤男子誓肉虜杯羹請數繫虜事誰其為
我聽蕩蕩乾坤大曠曠日月明叱起文武業可以豁洪
溟安得封域內長有扈苗征七十里百里彼亦何嘗爭
往往念所至得醉愁蘇醒韜舌辱壯心叫閻無助聲聊
書感懷韻焚之遺賈生

杜秋娘詩并序

杜秋金陵女也年十五為李錡妾後錡叛滅籍之
入宮有寵於景陵穆宗即位命秋為皇子傅姆皇
子壯封漳王鄭注用事誣丞相欲去己者指王為
根王被罪廢削秋因賜歸故鄉予過金陵感其窮
且老為之賦詩

京江水清滑生女白如脂其間杜秋者

一作娘

不勞朱粉

施老溷即山鑄後庭千雙

一作蛾

眉秋持玉笋醉

一作飲

與

唱金縷衣

勸君莫惜金縷衣勸君須惜少年時花開堪折直須折莫待無花空折枝李錡長唱此辭

淩既白首叛秋亦紅淚滋吳江落日渡灞岸綠楊垂聯

裾見天子盼眇獨依依椒壁懸錦幕鏡奩蟠蛟螭低鬟

認新寵窈窕復融怡月上白壁門桂影涼參差金階露

新重閑捻紫簫吹

晉書盜開涼州張駿塚得紫玉簫

莓苔夾城路南苑

鴈初飛紅粉羽林仗獨賜辟邪旗歸來煮豹胎饜飫不

能飴咸池昇日慶銅雀分香悲雷音後車遠事往落花

時燕襟得皇子壯髮綠綷綷畫堂授傅姆天人親捧持

虎睛珠絡祿金盤犀鎮帷長楊射熊羆武帳弄啞伊漸

拋竹馬劇

一作戲

稍出舞雞竒嶄嶄整冠珮侍宴坐瑤池

眉宇儼圖畫神秀射朝輝一尺桐偶人江充知自欺王

幽茅土削秋放故鄉歸觚稜拂斗極回首尚遲遲四朝

三十載似夢復疑非潼關識舊吏吏

一作毛

髮已如絲却

喚吳江渡舟人那得知歸來四隣改茂苑草菲菲清血

灑不盡仰天知問誰寒衣一匹素夜借隣人機我昨金

陵過聞之為歔歔自古皆一貫變化安能推夏姬滅兩

國逃作巫臣姬一作妻西子下姑蘇一舸逐鷓夷織室魏

豹俘作漢太平基誤置代籍中兩朝尊母儀光武紹高

祖本係生唐兒珊瑚破高齊作婢春黃糜蕭后去揚州

突厥為閼氏女子固不定士林亦難期射鈎後呼父鈞

翁王者師無國要孟子有人毀仲尼秦因逐客令柄歸

丞相斯安知魏齊首見斷箒中屍給喪蹙張輩廊廟冠

我危珥貂七葉貴何妨戎虜支蘇武却生返鄧通終死

飢主張既難測翻覆亦其宜地盡有何物天外一作高復

何之指何為而捉足何為而馳耳何為而聽目何為而
窺己身不自曉此外何思惟因傾一樽酒題作杜秋詩
愁來獨長詠聊可以自怡

郡齋獨酌

黃州作

前年鬢生雪今年鬚帶霜時節序鱗次古今同鴈行甘
英窮西海四萬到洛陽東南我所見北可計幽荒中畫
一萬國角角碁布方地頑壓不穴天迥老不僵屈指百
萬世過如霹靂忙人生落其內何者為彭殤促束自繫

縛儒衣寬且長旗亭雪中過敢問當壚娘我愛李侍中
標標七尺強白羽八扎弓毗壓綠檀槍風前略橫陣紫
髯分兩傍淮西萬虎士怒目不敢當功成賜宴麟德殿
爰超鶻掠廣毬場三千宮女側頭看相排踏碎雙明璫
旌竿幟幟旗燿燿意氣橫鞭歸故鄉我愛朱處士三吳
當中央罷亞名稻百頃稻西風吹半黃尚可活鄉里豈唯
滿困倉後嶺翠撲撲前溪碧泱泱霧曉起鳧鴈日晚下
牛羊叔舅欲飲我社甕爾來嘗伯姊子欲歸彼亦有壺

漿西阡下柳塢東陌繞荷塘姻親骨肉舍烟火遙相望
太守政如水長官貪似狼征輸一云畢任爾自存亡我
昔造其室羽儀鸞鶴翔交橫碧流上竹映琴書牀出語
無近俗堯舜禹武湯問今天子少誰人為棟梁我曰天
子聖晉公提紀綱聯兵數十萬附海正誅滄謂言大義
小不義取易卷席如探囊犀甲吳兵鬪弓弩虵矛燕戟
馳鋒鏖豈知三載幾一作凡百戰鉤車不得望其墻荅云
此山外有事同胡羌誰將國伐叛話與釣魚郎溪南重

迴首一徑出修篁爾來十三歲斯人未曾忘往往自撫

已淚下神蒼茫御史詔分洛舉趾何猖狂闕下諫官業

拜疏無文章尋僧解憂

一作幽

夢乞酒緩愁腸豈為妻子

計未去山林藏平生五色線願補舜衣裳弦歌教燕趙

蘭芷浴河湟腥膻一掃灑

一作灑掃

兇狼皆披攘生人但眠

食壽域富農桑孤吟志在此自亦笑荒唐江郡雨初霽

刀好截秋光池邊成獨酌擁鼻菊枝香醺酣更唱太平

曲仁聖天子壽無疆

張好好詩 并序

牧太和三年佐故吏部沈公江西幕好好年十三始以善歌來樂籍中後一歲公移鎮宣城復置好好於宣城籍中後二歲為沈著作述師以雙鬟納之後二歲於洛陽東城重覩好好感舊傷懷故題詩贈之

君為豫章姝十三纔有餘翠茁鳳生尾丹葉蓮含跗高閣倚天半章江聯碧虛此地試君唱特賜華筵鋪主人

公一作顧四座始訝來踟躕吳娃起引贊低徊映長裾雙

鬟可高下纔過青羅襦盼盼乍垂袖一聲雛鳳呼繁弦

迸關紐塞管裂圓蘆衆音不能逐裊裊穿雲衢主人一作

公再三歎謂言天下殊贈之天馬錦副以水犀梳龍沙

看秋浪明月遊朱一作湖自此每相見三日已為疎玉

質隨月滿豔態逐春舒絳脣漸輕巧雲步轉虛徐旌旆

忽東下笙歌隨舳艫霜凋謝樓樹沙暖句溪蒲身外任

塵土樽前極歡娛飄然集仙客著作嘗任集賢校理諷賦欺相如

聘之碧瑤珮載以紫雲車洞閉水聲遠月高蟾影孤爾
來未幾歲散盡高陽徒洛城重相見倬倬為當壚怪我
苦何事少年垂白鬚朋遊今在否落拓更能無門館慟
哭後水雲秋景初斜日挂衰柳涼風生座隅灑盡滿襟
淚短歌聊一書

冬至日寄小姪阿宜詩

小姪名阿宜未得三尺長頭圓筋骨緊兩眼明且光去
年學官人竹馬遶四廊指揮羣兒輩意氣何堅剛今年

始讀書下口三五行隨兄旦夕去斂手整衣裳去歲冬
至日拜我立我旁祝爾願爾貴仍且壽命長今年我江
外今日生一陽憶爾不可見祝爾傾一觴陽德比君子
初生甚微茫排陰出九地萬物隨開張一似小兒學日
就復月將勤勤不自己二十能文章仕宦至公相致君
作堯湯我家公相家劔佩嘗丁當舊第開朱門長安城
中央第中無一物萬卷書滿堂家集二一作三百編上下
馭皇王多是撫州寫今來五紀強尚可與爾讀助爾為

賢良經書括根本史書閱興亡高摘屈宋豔濃薰班馬

香李杜泛浩浩韓柳摩蒼蒼近者四君子與古爭強梁

願爾一祝後讀書日日忙一日讀十紙一月讀一箱朝

廷用文治大開官職場願爾出門去取官如驅羊吾兄

苦好古學問不可量晝居府中治夜歸書滿牀後貴有

金玉必不為汝藏崔昭生崔芸李兼生窟郎堆錢一百

屋破散何披猖今雖未即死餓凍幾欲僵參軍與縣尉

塵土驚動勦一語不中治笞箠身滿瘡官罷得絲髮好

買百樹桑稅錢未輸足得米不敢嘗願爾聞我語
懽喜入心腸大明帝宮闕杜曲我池塘我若一作苦
汝爭翱翔總語諸小道此詩不可忘一作自潦倒看

李甘詩

太和八九年訓注極虓虎潛身九地底轉上青天去
四海鏡清澄千官雲片縷公私各閒暇追遊日相伍
豈知禍亂根枝葉潛滋莽一作茂九年夏四月天
誠若言語烈風駕地震
雷驅猛雨夜於正殿階一作衙拔去千年樹

吾君不省覺二凶日威武操持北斗柄開閉天門路森

森明庭士縮縮循牆鼠平生負奇一作名節一旦如奴虜

指名為錮一作鈎黨狀一作錮跡誰難一作告訴喜無李杜誅

敢憚髡鉗苦時當秋夜一作仲秋月日值曰庚午喧喧皆傳

言明晨相登注予時與和鼎李甘字官班各持斧和鼎顧

予言我死知有一作處所當庭裂詔書退立須鼎俎君門

曉日開赭案橫霞布儼雅千官容勃鬱吾累一作累怒適

屬命廊將趙儋除廊坊節昨之傳者誤明日詔書下謫

斥南荒去夜登青泥坂墜車傷左股病妻尚在牀稚子
初離乳幽蘭思楚澤恨水啼湘渚怆怆三閭魂悠悠一
千古其冬二兇敗渙汗開湯罍賢者須喪亡讒人尚堆
堵予於後四年諫官事明主常欲雪幽寃於時一裨補
拜章豈艱難膽薄多憂懼一作阻如何干一作斗氣竟作
炎荒土題此涕滋筆以代投湘賦

洛中送冀處士東遊

處士有儒術走可挾車輶壇宇寬帖帖符彩高首首不

愛事耕稼不樂干王侯四十餘年中超超為浪遊元和

五六歲客於幽魏州幽魏多壯士意氣相淹留劉濟願

跪履田興請建籌處士拱兩手笑之但掉頭自此南走

越尋山入羅浮願學不死藥粗知其來由却於童頂上

蕭蕭玄髮抽我作八品吏洛中如繫囚忽遭冀處士豁

若登高樓拂榻與之坐十日語不休論今星璨璨考古

寒颼颼治亂掘根本蔓延相牽鉤武事何駿壯文理何

優柔顏回捧俎豆項羽橫戈矛祥雲遶毛髮高浪開咽

喉但可感神鬼安能為獻酬好入天子夢刻像來爾求
胡為去吳會欲浮滄海舟贈以蜀馬箠之胡蜀裘餞
酒載三斗東郊黃葉稠我感有淚下君唱高歌酌嵩山
高萬尺洛水流千秋往事不可問天地空悠悠四百年
炎漢三十代宗周二三里遺堵八九所高丘人生一世
內何必多悲愁訶闕解攜去信非吾輩流

送沈處士赴蘇州李中丞招以詩贈行

一本無送字

山城樹葉紅下有碧溪水溪橋向吳路酒旗誇酒美下

馬此送君高歌為君醉念君苞材能百工在城壘空山

三十年鹿裘挂窓睡自言隴西公飄然我知己舉酒屬

吳門今朝為君起懸弓三百斤囊書數萬紙戰賊即戰

賊為吏即為吏盡我所有無惟公之指使予曰隴西公

滔滔大君子常思掄羣材一為國家治譬如匠見木礙

眼皆不棄大者麤麤十圍小者細一指捫楸與棟梁施之

皆有位忽然豎明堂一揮立能致予亦何為者亦受公

恩紀處士有常一作常有言殘虜為犬豕常恨兩手空不得

一馬箠今依隴西公如虎傳兩翅公非刺史材當坐巖
廊地處士魁竒姿必展平生志東吳饒風光翠巘多名
寺疏煙疊疊秋獨酌平生思因書問故人能忘批紙尾
公或憶姓名為說都憔悴

長安送友人遊湖南

一作長安送人

子性劇

一作極

弘和愚哀深褊狷相舍囂饒中吾過何由

鮮楚南饒風烟湘岸苦縈宛山密夕陽多人稀芳草遠
青梅繁枝低斑笋新梢短莫哭葬魚人酒醒且眠飯

皇風

仁聖天子神且武內興文教外披攘以德化人漢文帝
側身修道周宣王遠音剛蹊巢穴盡室塞禮樂刑政皆弛
張何當提筆侍巡狩前驅白旆弔河湟

雪中書懷

臘雪一尺厚雲凍寒頑癡孤城大澤畔人疎煙火微憤
悵欲誰語憂愠不能持天子號仁聖任賢如事師凡稱
曰治具小大無不施明庭開廣敞才雋受羈維如日月

絙昇若鸞鳳歲徒人才自朽下棄去亦其宜北虜壞亭
障聞屯千里師牽連久不解他盜恐旁窺臣實有長策
彼可徐鞭笞如蒙一召議食肉寢其皮斯乃廟堂事爾
微非爾知向來躡等語長作陷身機行當臘欲破酒齊
去聲不可遲且想春候暖甕間傾一卮

雨中作

賤子本幽慵多為雋賢侮得州荒僻中更值連江雨一
褐擁秋寒小窗侵竹塢濁醪氣色嚴皤腹瓶罌古酣酣

天地寬怳怳嵇劉伍但為適性情豈是藏鱗羽一世一
萬朝朝朝醉中去

偶遊石盞僧舍

宣州作

敬岑草浮光句沚水解脉益一作悒鬱乍怡融凝嚴忽頽

圻梅顙暖眠酣風緒和無力鳧浴漲汪汪雛嬌村鷁翼
落日美樓臺輕烟飾阡陌瀲綠古津遠積潤苔基釋孰
謂漢陵人來作江汀客載筆念無能捧籌慙所畫任轡
偶追閒逢幽果遭適僧語淡如雲塵事繁堪織今古幾

輩人而我何能息

赴京初入汴口曉景即事先寄兵部李郎中

清淮控隋漕北走長安道檣形櫛櫛斜浪態迤迤好初
旭紅可染明河澹如掃澤闊鳥來遲村飢人語早露蔓
蟲絲多風蒲燕雛老秋思高蕭蕭客愁長裊裊因懷京

洛間宦遊何戚

一作草

草什伍持津梁瀕湧爭追討翺便

去聲詎可尋幾秘安能考小人乏馨香上下將何禱唯有

君子心顯豁知幽抱

獨酌

長空碧杳杳萬古一飛鳥
生前酒伴閒愁醉閑多少烟
深隋家寺殷葉暗相照
獨佩一壺遊秋毫泰山小

惜春

春半年已除其餘強為有
卽此醉殘花便同嘗臘酒悵
望送春杯殷勤掃花筵誰為駐
東流年年長在手

題安州浮雲寺樓寄湖州張郎中

去夏疎雨餘同倚朱闌
語當時樓下水今日到何處恨

如春草多事與孤鴻去楚岸柳何窮別愁紛若絮

過驪山作

始皇東遊出周鼎劉項縱觀皆引頸削平天下實辛勤
却為道傍窮百姓黔首不愚爾益愚千里函關囚獨夫
牧童火入九泉底燒作灰時猶未枯

池州送孟遲先輩

昔子來陵陽時當苦炎熱我雖在金臺頭角長垂折奉
披塵意驚立語平生豁寺樓最騫軒坐送飛鳥沒一罇

中夜酒半破前峰月烟院松飄蕭風廊竹交夏時步郭

西南繚徑苔圓折好鳥響丁丁小溪光汨汨

普八切

籬落

見娉婷機絲弄啞軋烟濕樹姿嬌雨餘山態活仲秋往

歷陽同上牛磯歇大江吞天去一練橫坤抹千帆美滿

風曉日殷鮮血歷陽裴太守襟韻苦超越鞞鼓畫麒麟

看君擊狂節離袖飈應勞恨粉啼還咽明年忝諫官綠

樹秦川闊子提健筆來勢若夸父渴九衢林馬搗千門

織車轍秦臺破心膽黥陣驚毛髮子既屈一鳴余固宜

三別慵憂長者來病怯長街喝僧爐風雪夜相對眠一
褐暖灰重擁瓶曉粥還分鉢青雲馬生角黃州使持節
秦嶺望樊川祇得回頭別商山四皓祠心與檇蒲說大
澤蒹葭風孤城狐兔窟且復考詩書無因見簪笏古訓
屹如山古風冷刮骨周鼎列瓶罌荆壁橫拋撇蘇割力切
盡不可取忽忽狂歌發三年未為苦兩郡非不達秋浦
倚吳江去檝飛青鷁溪山好畫圖洞壑深閨闥竹岡森
羽林花塢團宮纈景物非不佳獨坐如韝紕丹鵲東飛

來喃喃送君札呼兒旋供衫走門空踏襪手把一枝物
桂花香帶雪喜極至無言笑餘翻不悅人生直作百歲
翁亦是萬古一瞬中我欲東召龍伯翁上天揭取北斗
柄蓬萊頂上斡海水水盡到底看海空月於何處去日
于何處來跳丸相趁走不住堯舜禹湯文武周孔皆為
灰酌此一杯酒與君狂且歌離別豈足更關意衰老相
隨可奈何

重送

手撚金僕姑腰懸玉轆轤
爬頭峰北正好去係取可汗
鉗作奴六宮雖念相如賦
其那防邊重武夫

題池州弄水亭

弄水亭前溪颭濫翠綃舞綺席草芊芊紫嵐峯伍伍螭
蟠得形勢暈飛如軒戶一鏡奩曲堤萬丸跳猛雨檻前
燕鴈棲枕上巴帆去叢筠侍修廊密蕙媚幽圃杉樹碧
為幢花駢紅作堵停樽遲去晚月咽咽上幽渚客舟耿
聲孤燈萬里人夜語漫流冑苔槎飢鳧曬雪羽玄絲落鉤

餌水鱗看吞吐斷霓天帔垂狂燒漢旗怒曠朗半秋曉
蕭瑟好風露光潔疑可攬欲以襟懷貯幽抱吟九歌羈
情思湘浦四時皆異狀終日為良遇小山浸石稜撐舟
入幽處孤歌倚桂巖晚酒眠松塢紆餘帶竹村蠶鄉足
砧杵滕泉落環珮畦苗差纂組風俗知所尚豪強恥孤
侮隣喪不相春公租無詬負農時貴伏臘簪瑱事禮賂
鄉校富華禮征行產強弩不能自免去但媿來何暮故
園漢上林信美非吾土

題宣州開元寺

寺置於東晉時

南朝謝朓城東吳最深處亡國去如鴻遺寺藏烟塢樓
飛九十尺廊環四百柱高高下下中風繞松桂樹青苔
照朱閣白鳥兩相語溪聲入僧夢月色暉粉堵閱景無
旦夕憑闌有今古留我酒一罇前山看春雨

大雨行

開成三年宣州開元寺作

東垠黑風駕海水海底卷上天中央三吳六月忽悽慘
晚後點滴來蒼茫錚棧雷車軸轍壯矯躩一作蛟龍爪

尾長神鞭鬼馭載陰帝來往噴灑何顛狂四面崩騰玉

京仗萬里橫牙

一作縱橫

羽林槍雲纏風束亂

一作勢

敲磕黃

帝未勝蚩尤強百川氣勢苦豪俊坤闢密鑠愁開張太

和六年亦如此我時壯氣神洋洋東樓聳首看不足恨

無羽翼高飛翔盡召邑中豪健者闊展朱盤開酒場奔

觥槌鼓助聲勢眼底不顧纖腰娘今年

一作來

闌茸鬢已

白竒遊壯觀唯深藏景物不盡人自老誰知前事堪悲

傷

自宣州赴官入京路逢裴坦判官歸宣州因題

贈

敬亭山下百頃竹中有詩人小謝城城高跨樓滿金碧
下聽一溪寒水聲梅花落徑香繚繞雪白玉璫花下行
縈風洒旆挂朱閣半醉遊人聞弄笙我初到此未三十
頭腦山鑿反利筋骨輕畫堂檀板秋拍碎一引有時聯
十觥老閒腰下丈二組塵土高懸千載名重遊鬢白事
皆改唯見東流春水平對酒不敢起逢君還眼明雲壘

看人捧波臉任他橫一醉六十日古來聞阮生是非離
別際始見醉中情今日送君話前事高歌引劍還一傾
江湖酒伴如相問終老烟波不計程

贈宣州元處士

陵陽北郭隱身世兩忘者蓬蒿三畝居寬於一天下樽
酒對不酌默與玄相話人生自不足愛歎遭逢寡

村行

春半南陽西柔桑過

一作遍

村塢裊裊

一作娉娉

垂柳風點點

迴塘雨蓑唱牧牛兒籬窺禳裙女半濕解征衫主人饋
雞黍

史將軍二首

長鉦周都尉閒如秋嶺雲取螯弧登壘以駢隣翼軍百
戰百勝價河南河北聞今遇太平日老去誰憐君
壯氣蓋燕趙耿耿魁傑人彎弧五百步長戟八十斤河
湟非內地安史有遺塵何日武臺坐兵符授虎臣

御定全唐詩卷五百二十



總校官庶吉士 臣 張能照

校對官庶吉士 臣 許兆椿

騰錄監生 臣 馬植基

騰錄舉人 臣 羅步雲

欽定四庫全書薈要

集部

御定全唐詩卷五百二十三

一至三

詳校官原任主事 臣 李斯咏



欽定四庫全書蒼要卷一萬七千九百二十六集部

御定全唐詩卷五百二十一

杜牧

華清宮三十韻

華清宮

繡嶺明珠殿層巒下繚牆仰窺丹一作檻影猶想赭袍

光昔帝登封後中原自古強一千年際會三萬里農桑

几席延堯舜軒墀接一作禹湯雷霆馳號令星斗煥文

章鈞築乘時用芝蘭在處芳北扉閒木索南面富循良

至道思玄圃平居厭未央鉤陳裏巖谷文陛壓青蒼歌

吹千秋節樓臺八月涼神仙高縹緲環珮碎丁當泉暖

涵窓鏡雲嬌惹粉囊嫩嵐滋翠葆清渭照紅粧帖泰生

靈壽懽娛歲序長月聞仙曲調霓作舞衣裳雨露偏金

穴乾坤入醉鄉玩兵師漢武迴手倒一作首到干將鯨鬣掀

東海胡牙揭上陽喧呼馬嵬血零落羽林槍傾國留無

路還魂怨有香蜀峰橫慘澹秦樹遠微茫鼎重山難轉

天扶業更昌望賢餘故老花萼舊池塘往事人誰問幽

襟淚獨傷碧簷斜送日殷葉半凋霜迸水傾瑤砌疎風
罇玉房塵埃羯鼓索片段荔枝筐鳥啄摧寒木蝸涎蠹
畫梁孤煙知客恨遙起泰陵傷

長安雜題長句六首

觚稜金碧照山高萬國珪璋捧赭袍舐筆和鈇欺賈馬
讚功論道鄙蕭曹東南樓日珠簾卷西北天宛玉卮豪
詩曰偉草金厄蓋小環四海一家無一事將軍攜鏡泣霜毛

晴雲似一作如

絮惹低空紫陌微微弄袖風韓嫣金丸莎

覆綠許公韉汗杏粘紅煙生窈窕

一作
窈窕

深東第輪撼流

蘇下北宮自笑苦無樓護智可憐
鈇槩竟何功

雨晴九陌鋪江練嵐嫩千峰疊
海濤南苑草芳眠錦雉

夾城雲暖下霓旌少年羈絡青紋

一作
文

玉遊女花簪紫

蒂桃江碧柳深人盡醉一瓢顏巷日空高

東帶謬趨文石陛有章曾拜阜囊封期嚴無奈睡留癖

勢窘猶為酒泥慵偷釣侯家池上雨醉吟隋寺日沈鐘

九原可作吾誰與師友瑯琊邴曼容

洪河清渭天池濬太白終南地軸橫祥雲輝映漢宮紫
春光繡畫秦川明草妬佳人鈿朶色風回公子玉銜聲
六飛南幸芙蓉苑十里飄香入夾城

豐貂長組金張輩駟馬文衣許史家白鹿原頭回獵騎
紫雲樓下醉江花九重樹影連清漢萬壽山光學翠華
誰識大君謙讓德

聖上不
受徽號

一毫名利鬪鼉墓

河湟

元載相公曾借箸憲宗皇帝亦留神旋見衣冠就東市

忽遺弓劍不西巡
牧羊驅馬雖戎服
白髮丹心盡漢臣
唯有涼州歌舞曲
流傳天下樂門人

許七侍御棄官東歸瀟灑江南頗聞自適高秋
企望題詩寄贈十韻

天子繡衣吏東吳
美退居有園同庾信
避事學相如蘭
畹晴香嫩筠溪翠
影踈江山九秋後
風月六朝餘
錦帙

一作筭
一作肆

開詩軸青囊結道書
霜巖紅薜荔露沼白芙蓉

睡雨高梧密棊燈
小閣虛凍醪元亮
秫寒鱸季鷹魚塵

意迷今古雲情識卷舒他年雪中擢陽羨訪吾廬

於義興縣

近有水榭

李給事中敏二首

一章緘拜

一作報

皐囊中懍懍

一作慄慄

朝廷有古風元禮去

歸緱

一作綸

氏學

李膺退罷歸綸氏教授生徒

江充來見

犬臺宮

鄭注對於浴室

紛紜白晝驚千古鉄鎖

一作鐵鎖

朱殷幾一

空曲突徙薪人不會海邊今作釣魚翁

晚髮悶還梳憶君秋醉餘可憐劉校尉曾訟石中書

給事

因忤仇軍容
棄官東歸

消長雖殊事
仁賢每自如
因看魯褒論
何

處是吾廬

題永崇西平王宅太尉愬院六韻

天下無雙將
關西第一雄
授符黃石老
學劍白猿翁
矯矯雲長勇
恂恂却縠風
家呼小太尉
國號大梁公
太尉季弟

司徒聽亦封梁國公
半夜龍驤去
中原虎穴空
隴山兵十萬
嗣子

握琯弓

今鳳翔李尚書太尉長子

東兵長句十韻

上黨爭為天下脊邯鄲四十萬秦坑狂童何者欲專地
聖主無私豈翫兵玄象森羅搖北落詩人章句詠東征
雄如馬武皆彈劔少似終軍亦請纓屈指廟堂無失策
垂衣堯舜待昇平羽林東下雷霆怒楚甲南來組練明
即墨龍文光照曜常山虵陣勢縱橫落鵬都尉萬人敵
黑稍將軍一鳥輕漸見長圍雲欲合可憐窮壘帶猶縈
凱歌應是新年唱便逐春風浩浩聲

過勤政樓

千秋令

一作佳

節名空在承露絲囊世已無唯有紫苔偏

得

一作稱

意年年因雨上

一作灑

金鋪

過魏文貞公宅

一作題魏文貞

蟪蛄寧與雪霜期賢哲難教俗士知
可憐貞觀太平後天且不留封德彝

早春閣下寓直蕭九舍人亦直內署因寄書懷

四韻

御水初銷凍宮花尚怯寒千峰橫紫翠雙闕凭闌干玉

漏輕風順金莖淡日殘
王喬在何處清漢正
驂鸞

秋晚與沈十七舍人期遊樊川不至

邀侶以官解

一作
糾

泛然成獨遊
川光初媚日
山色正矜

秋野竹疎還密
巖泉咽復流
杜村連滴水
晚步見垂鉤

念昔遊三首

十載飄然繩檢外
罇前自獻自為酬
秋山春雨閒吟處
倚徧江南寺寺樓

雲門寺

越州

外逢猛雨林
黑山高雨脚
長曾奉郊宮
為近

侍分明搜搜

先勇切

羽林槍

李白題詩水西寺

宣州涇縣

古木回巖樓閣風半醒半醉遊

三日紅白花开山

一作煙

雨中

今皇帝陛下詔徵兵不日功集河湟諸郡次

第歸降臣獲覩聖功輒獻歌詠

捷書皆應睿

一作運

謀期十萬曾無一鏃遺漢武慙誇朔

方地周宣

一作宣王

休道太原師威加塞外寒來早恩入河

源凍合遲聽取滿城歌舞曲涼州聲韻喜

一作遠

參差

奉和白相公聖德和平致茲休運歲終功就合
詠盛明呈上三相公長句四韻

行看臘破好年光萬壽南山對未央
黶戛可汗修職貢
文思天子復河湟
應須日馭西巡狩
不假星弧北射狼
吉甫裁詩歌盛業
一篇江漢美宣王

過華清宮絕句三首

長安回望繡成堆
山頂千門次第開
一騎紅塵妃子笑

無人知是道

一作

荔枝來

新豐綠樹起黃埃數騎漁陽探使回

帝使中使輔珍琳探祿山反否

受祿山金言祿山不反

霓裳一曲千峰上舞破中原始下來

萬國笙歌醉太平倚天樓殿月分明雲中亂拍祿山舞
風過重巒下笑聲

登樂遊原

長空澹澹孤鳥沒萬古銷沈向此中看取漢家何事一作
似業五陵無樹起秋風

聞慶州趙縱使君與党項戰中箭身死輒書長

句

將軍獨乘鐵驄馬榆溪戰中金僕姑死綏却是古來有
驍將自驚今日無青史文章爭點筆朱門歌舞笑捐軀
誰知我亦輕生者不得君王丈二笏

送容州唐中丞赴鎮

交趾同星座龍泉佩

一作似

斗文燒香翠羽帳看舞鬱金

裙鷓首衝瀧浪犀渠拂嶺雲莫教銅柱北空說馬將軍

夏州崔常侍自少常亞列出領麾幢十韻

帝命詩書將登壇禮樂卿三邊要高枕萬里得長城對
客猶褒博填門已旆旌腰間五綬貴天下一家榮野水
差新燕芳郊哢夏鶯別風嘶玉勒殘日望金莖榆塞孤
煙媚銀川綠草明戈矛虓虎士弓箭落鵬兵魏絳言堪
採陳湯事偶成若須垂竹帛靜勝是功名

街西長句

碧池新漲浴嬌鴉分

一作深

鑠長安富貴家遊騎偶同人

鬪酒名園相倚杏交花銀鞦騾裏嘶宛馬繡鞅璉瓏走

鈿車一曲將軍何處笛連雲芳草

一作日初斜

春申君

烈士思酬國士恩春申誰與快冤魂三千賓客總珠履
欲使何人殺李園

奉陵宮人

相如死後無詞客延壽亡來絕畫工玉顏不是黃金少
淚滴秋山入壽宮

讀韓杜集

杜詩韓集愁來讀似倩麻姑癢處搔天外鳳凰誰得髓
無人解合續弦膠

春日言懷寄虢州李常侍十韻

岸一作崖蘇生紅藥巖泉漲碧塘地分蓮嶽秀草接鼎原

芳雨派淙淙急風畦芷若香織蓬眠舴艋驚夢起鴛鴦

論吐開冰室詩陳曝錦張貂簪荆玉潤丹穴鳳毛光子弟

新登甲科今日還珠守何年執戟郎且嫌遊畫短莫問積薪

長無計披清裁唯持祝壽觴願公如衛武百歲尚康強

李侍郎於陽羨里富有泉石牧亦於陽羨粗有
薄產叙舊述懷因獻長句四韻

冥鴻不下非無意塞馬歸來是偶然紫綬公卿今放曠
白頭郎吏尚留連終南山下拋泉洞陽羨溪中買釣船
欲與明公操履杖願聞休去是何年

贈李處士長句四韻

玉函怪牒鎖靈篆紫洞香風吹碧桃老翁四目牙爪利
擲火萬里精神高靄靄祥雲隨步武纍纍秋冢歎蓬蒿

三山朝去應非久，姹女當窗繡羽袍。

送國碁王逢

玉子紋楸一路饒，最宜簷雨竹蕭蕭。
羸形暗去春泉長。

拔一作猛勢橫來野火燒，守道還如周柱史。
一作伏柱鏖兵不

羨霍嫖姚浮生，一作得年七十更萬日。
與子期于局上銷。

重送絕句

絕藝如君天下少，閒人似我世間無。
別後竹窓風雪夜。

一燈明暗覆吳圖。

少年行

連環羈玉聲光碎綠錦蔽泥虬卷高春風細雨走馬去

珠落

一作
絡

璀璨白罽袍

奉

一作
春

和門下相公送西川相公兼領相印出

鎮全蜀詩十八韻

盛業冠伊唐台階翊戴光無私天雨露有截舜衣裳蜀

輟新衡鏡池留舊鳳凰同心真石友寫恨葳

一作
夢

河梁

虎騎搖風旆貂冠韻水蒼彤弓隨武庫金印逐文房棧

壓嘉陵咽峰橫劍閣長前驅二星去開險五丁忙回首
崢嶸盡連天草樹芳丹心懸魏闕往事愴甘棠治化輕
諸葛威聲懾夜郎君平教說卦夫子召升堂塞接西山
雪橋維萬里檣奪霞紅錦爛撲地酒壚香忝逐三千客
曾依數仞牆滯頑堪白屋攀附亦同一作行肉一作管

伶倫曲簫韶清廟章唱高知和寡小子斐然狂

朱坡

下杜鄉園古泉聲繞舍啼靜思長慘切薄宦與乖睽北

闕千門外南山午谷西倚川紅葉嶺連寺綠楊堤迴野
翹霜鶴澄潭舞錦雞濤驚堆萬岫舸急轉千溪看點萱
牙嫩風條柳幄迷岸藤梢虺尾沙渚印麕蹄火燎湘桃
塢波光碧繡畦日痕絙翠巘陂影墮晴霓壁爛斑蘚
銀筵荳蔻泥洞雲生片段苔徑繚高低偃蹇松公老森
巖竹陣齊小蓮娃欲語幽笋稚相攜漢館留餘趾周臺
接故蹊蟠蛟岡隱隱班雉草萋萋樹老蘿紆組巖深石
啟閨侵窻紫桂茂拂面翠禽棲有計冠終挂無才筆謾

提自塵何太甚休笑觸藩羝

早春寄岳州李使君李善棊愛酒情地閒雅

城高倚峭巘地勝足樓臺朔漠暖鴻去瀟湘春水來縈
盈幾多思掩抑若為裁返照三聲角寒香一樹梅烏林
芳草遠赤壁健帆開往事空遺恨東流豈不回分符潁
川政弔屈洛陽才拂匣調珠柱磨鉛勘玉杯棊翻小窟
勢壚撥凍醪醅此興予非薄何時得奉陪

送王侍御赴夏口座主幕

君為珠履三千客我是青衿七十徒
禮數全優知隗始
討論常見念回愚
黃鶴樓前春水濶
一杯還憶故人無

自貽

杜陵蕭次君遷少去官頻寂寞憐吾道
依稀似古人飾
心無彩績到一作骨是風塵自嫌如匹素
刀尺不由身

自遣

四十已云老
況逢憂窘餘
且抽持板手
却展小年書
嗜酒狂嫌阮
知非晚笑蘧
聞流寧歎吒
待俗不親踈
遇事

知裁剪操心識卷舒還稱二千石於我意何如

題桐葉

去年桐落故溪上把筆偶

一作葉因

題歸燕詩江樓今日送

歸燕正是去年題葉時葉落燕歸真可惜東流玄髮且

無期笑筵歌席反惆悵明

一作朗

月清風愴別離莊叟彭

殤同在夢陶潛身世兩相遺一九五色成虛語石爛松

薪更莫

一作不

疑哆侈不勞文似錦進趨何必利如錐錢

神任爾知無敵酒聖於吾亦庶幾江畔秋光蟾閣鏡檻

前山翠茂陵肴樽香輕泛數枝菊簷影斜侵半局碁休
指宦遊論巧拙祇將愚直禱神祇三吳煙水平生念寧
向閒人道所之

沈下賢

斯人清唱何人和草徑苔蕪不可尋一夕小敷山下夢
水如環珮月如襟

李和鼎

鵬鳥飛來庚子直謫去日蝕辛卯年由來枉死賢才事

消長相持勢自然

贈沈學士張歌人

拖袖事當年郎教唱客前斷時輕裂玉收處遠縹煙孤
直緹雲定光明滴水圓泥情遲急管流恨咽長弦吳苑
春風起河橋酒旆懸憑君更一醉家在杜陵邊

憶遊朱坡四韻

秋草樊川路斜陽覆盜門獵逢韓嫣騎樹識館陶園帶
雨經荷沼盤煙下竹村如今歸不得自戴望天盆

朱坡絕句三首

故國池塘倚御渠，江城三詔換魚書。
賈生辭賦恨流落

祇向長沙住歲餘

文帝歲餘思賈生

煙深苔巷唱樵兒，花落寒輕倦客歸。
藤岸竹洲相掩映，滿池春雨鷓鴣飛。

乳肥春洞生鵝管，沼避回巖勢犬牙。
自笑卷懷頭角縮，歸盤煙磴恰如蝸。

出宮人二首

卷五 百二十一
閒吹玉殿昭華管醉折梨園縹蒂花十年一夢歸人世
絳縷猶封繫臂紗

平陽拊背穿馳道銅雀分香下壁門幾向綴珠深殿裏
妬拋羞態卧黃昏

長安秋望

樓倚霜樹外鏡天無一毫南山與秋色氣勢兩相高

獨酌

窓外正風雪

一作霜

擁爐開酒缸何如釣船雨蓬底睡秋

江

醉眠

秋醪雨中熟寒齋落葉中
幽人本多睡更酌一樽空

不飲贈酒

細算人生事彭殤共一籌
與愁爭底事要爾作戈矛

昔事文皇帝三十二韻

昔事文皇帝叨官在諫垣
奏章為得地齟齬負明恩
金

虎知難動毛釐亦恥言
掩一作頭雖欲吐到口却成吞

照膽常懸鏡窺天自戴盆周鐘既窕椒黥陣亦癩痕鳳

闕觚稜影仙盤曉日暎雨晴

一作餘

文石滑風暖戟衣翻

每慮號無告長憂駭不存隨行唯跼踖出語但寒暄宮

省咽喉任戈矛羽衛屯光塵皆影附車馬定西奔億萬

持衡價錙銖挾契論堆時過北斗積處滿西園接權隋

河溢連蹄蜀棧剗漉空滄海水搜盡卓王孫鬪巧猴雕

刺誇趨索挂跟狐威假白額梟嘯得黃昏馥馥芝蘭圃

森森枳棘藩吠聲噬國猘公議怯膺門竄逐諸丞相蒼

茫遠帝閣一名為吉士誰免弔湘魂間世英明主中興
道德尊崑岡憐積火河漢注清源川口隄防決陰車鬼
怪掀重雲開朗照九地雪幽冤我實剛腸者形甘短一作
短褐髡曾經觸蠱尾猶得凭熊軒杜若芳洲翠巖光釣
瀨喧溪山侵越角封壤盡吳根客恨縈春細鄉愁壓思
繁祝堯千萬壽再拜揖餘樽

道一大尹存之庭美二學士簡于聖明自致霄
漢皆與舍弟昔年還往牧支離窮悴竊於一麾

書美歌詩兼自言志因成長句四韻呈上三君

子

九金神鼎重丘山五玉諸侯雜珮環
星座通霄狼鬣暗
戍樓吹笛一作角虎牙閒
斗間紫氣龍埋獄天上洪爐帝

鑄顏若念西河一作湖舊交友魚符應許出函關

杏園

夜來微雨洗芳塵公子驂騑步貼勻
莫怪杏園顛顛去
滿城多少插花人

春晚題韋家亭子

擁鼻侵襟花草香
高臺春去恨茫茫
蕙紅半落平池晚
曲渚飄成錦一張

過田家宅

安邑南門外
誰家板築高
奉誠園裏地
牆缺見蓬蒿

見宋拾遺題名處感而成詩

竄逐窮荒與死期
餓唯蒿藿病無醫
憐君更抱重泉恨
不見崇山謫去時

雪晴訪趙嘏街西所居三韻

命代風騷將誰登
李杜壇少陵鯨海動
翰苑鶴天寒
今日訪君還有意
三條冰雪獨來看

將赴吳興登樂遊原一絕

清時有味是無能
閒愛孤雲靜愛僧
欲把一麾江海去
樂遊原上望昭陵

洛陽長句二首

草色人心相與閒
是非名利有無間
橋橫落照虹堪畫

樹鎖千門鳥自還
芝蓋不來雲杳杳
仙舟何處水潺潺
君王謙讓泥金事
蒼翠空高萬歲山

天漢東穿白玉京
日華浮動翠光生
橋邊遊女珮環委
波底上陽金碧明
月鎖名園孤鶴唳
川酣秋夢鑿龍聲
連昌繡嶺行宮在
玉輦何時父老迎

洛中監察病假滿送韋楚老拾遺歸朝

洛橋風暖細翻衣
春引仙官去玉墀
獨鶴初沖太虛日
九牛新落一毛時
行開教化期君是
臥病神祇禱我知

十載丈夫堪恥處朱雲猶掉直言旗

東都送鄭處誨校書歸上都

悠悠渠水清雨霽洛陽城
槿墮初開豔蟬聞第一聲
故人容易去白髮等閒生
此別無多語期君悔盛名

過洛陽城有感

一片宮牆當道危
行人為爾去遲遲
筆圭苑裏秋風後
平樂館前斜日時
錮黨豈能留漢鼎
清談空解識胡兒
千燒萬戰坤靈死
慘慘終年烏雀悲

御定全唐詩卷五百二十一